


蕪
根
州
舍
詩
全



蘭 根 卍 卍

舍 壽 金 未

侶 獲 仁 兄 屬 吳 浩 書



蘭根草舍詩鈔序

余弱年多病廢學遂棄帖括業獨喜為有韻之文嘗輯
鄉前輩遺詩十二卷為

國朝滄州詩鈔繼以補鈔二卷續鈔四卷又附以補遺

明詩各一卷俱先後付梓行世性復嬾散嗜詩而不敢

為詩長夏無俚檢核平生所作不過千餘首芟汰蕪穢

僅存三百餘首分為二卷用付手民非敢謂可以問世

欲吾滄博雅君子有繼余之志者選取一二錄入續鈔

使得附於鄉先哲之末或可藉以不朽即余之厚幸矣

咸豐己未五月朔蘭根道人自識於濟南大明湖上

蘭根草舍詩鈔

序



序

詩三百篇以道性情惟真故傳千古不易彼撫漢魏之皮毛分唐宋之畛域嘒嘒於格調閒而按之如空瓠然其真亡矣善爲詩者達其胸臆所欲言而學問見焉闊歷深焉涵養具焉無意爲詩自鳴天籟人人胸中如水合乳不沾沾於格律而格律悉合惟得於天者厚而成於人者深所謂工夫在詩外非虛語也北方之稱詩者前有申殷張爲畿南三傑繼之者代有傳人近珩所與遊者崔念堂梅樹君兩丈造詣所至各自成家眞力彌滿萬象在旁則有邊君袖石而吐棄凡近飄飄欲仙向

蘭根草舍詩鈔

序

一

推陳君蓮浦侶樵先生雖聞其能詩固未之見也今年冬初遇於京華因得盡讀所爲詩如吸三危沈澹不覺兩腋風生幾不識塵世閒復有煙火氣味蓋人籟三分天籟七分如飲酒然殆有別腸非可學而致也抑珩重

有感焉憶珩弱冠後採訪畿輔詩閱廿餘年得五百餘家陶鳧香師刻之君亦匯滄州詩二百餘家付梓哀然成集則我兩人性情孚合別有心心相印之旨又不僅在吟風弄月閒矣惜崔梅兩丈久歸道山蓮浦亦仙去有年而袖石遠宦中州每憶舊遊不勝振觸今喜初識君未幾匆匆別去後會未卜何時序君詩竟渺渺予懷

又不知其何極也白雲在天滄波無際想君當亦有同
情乎咸豐七年丁巳十月寶坻愚弟高繼珩拜手

蘭根草舍詩鈔

序

二



原序 附

侶樵與鷓以詩交者幾二十年矣初見於張氏卷石山房以古印相考證印有延年者與兒子名同君卽贈之鷓畫印緣圖記事後游龍洞見修葺亭榭種竹數百竿題楹帖匾榜山靈爲之生色越壬子夏鷓自汴旋東謁杜文正公師於濟上時君佐葉芸士世丈幕得讀所輯滄州詩鈔及自著各集中心傾倒匆匆赴京兆試未能鈔錄丁巳夏需次厯亭時相過從示其友選君詩一冊一如鷓之欲鈔者遂付手民報贈印也締詩緣也君詩清和雋永不拘於唐宋而自寫性情迥然神遠校刊時蘭根草舍詩鈔

原序

朱伯韓侍御自京師來一見極稱賞之爲書序并面葉及籤樂觀是刻之成也鷓藏玉百穀銘霹靂桐古琴一典之以刻者侶樵應大軒渠爾咸豐八年戊午中秋王鷓子梅序

題詞

慶雲 崔旭 曉林

柳樣纏絲梅樣清，卻從平淡見真情。么絃仄調紛無數，此是人間雅奏聲。

陽湖 湯景 湘南

詞人自古推燕趙，文選樓開賞識真。會選滄州詩鈔讀罷蘭根

詩一卷，定知洗盡洛陽塵。君祖籍河南，明初自蘭陽遷於滄，故取號蘭根道人。

山陰 傅霖 雨齋

願食三斗艾，不願逢屈突。蓋願食五斗蔥，不願逢屈突。

通我自新亭來，古歷海煙沙。雨殊寥寂，未聞豪俠健於

蘭根直合詩鈔 題詞

一

龍徒見老僧，多似鮑瑤臺。七十二神仙，祇有玉喬最少。

年夜馭紅鸞，朝紫府。朝騎綵鳳下青天，跌宕嬉無不。

有玉妃一笑，麻姑醜目空。趙氏客三千，才壓莊生言十。

九九尾妖狐，雙眼碧珠光。劍氣知君得，頭戴骷髏哭山

月入自古詩經

無錫 稽文駿 春原

隨遇有真契，探懷任所之。仙心君獨悟，妙旨我能知。夜

雨著花，候春雲出岫。時翩翩好風，格應與古人期。

清苑 李鈞和 仲衡

一編珠玉燦生光，盥手薔薇句亦香。怪底明湖人久住，

本來詩品似漁洋

甘泉 汪南金 蘭甫

扶醉歸來手一編未寒時候已涼天銀河影瀉秋心瘦
璧月光騰海鏡圓

清極無塵靜不譁怪他箏笛太紛拏故應手把青鸞尾
自在蓬山掃落花

熱腸只合餐冰雪冷眼偏宜鑒古今笑問吹笙王子晉
浮邱而外幾同心

寶坻 高繼珩 寄泉

一卷披冰雪翛然絕點塵放懷頻得句垂老尚依人得

蘭根草舍詩鈔

題詞

二

慧原從定能傳祇一眞臨歧無別語珍重苦吟身

江都 符葆森 南樵

幕府才人借一籌仲宣今尚賦登樓詩情爛漫花含豔
風骨峻嶒劍倚秋翰墨因緣心共切鄉邦文獻手勤摻

壯年吟卷須珍重我正天涯漸白頭

余輯正雅集百卷君亦輯滄州詩故

五六
及之

陽湖 汪 昉 菽民

不尙浮華不逞奇卻從平淡見清思要知老嫗都能解
正是詩人洗鍊時

摻取遺詩閱幾春

時輯滄州詩續鈔已工竣

不教姓字墮埃塵詞人

自昔心相印珍重斯編又有人

甘泉林溥少紫

蘭根詩卷清於蘭靈均薌澤誰能攀力過靡音嗣逸響
如聞鶴唳雲霄間三唐風骨溯竹里七子壇坵推弁山
金風蠶尾更獨步詩徑力闢榛蕪刪聞君耽吟復嗜古
風雨研搜亦良苦鶯花感舊集滄瀛金石論交遍齊魯
也園傑作璠璵珍荆花舊藁純天真他若齊遊客陶厯
下各成集亦復嶽嵒跌宕排羣倫詩心詩品如其人其
人醞釀醇乎醇梅花胸次太古春煙霞吐屬清無塵陶
然想見丰與神濟南名士今何有寓公往往雄文酒鵲
蘭根草合詩鈔

題詞

三

華春晚我來遲青眼逢君更論詩

歙縣鮑瑞駿桐舟

夷器夷聲感不禁罄牙戟口亦何心空山葉落寒泉靜
一卷琅然宋谷音

樂平汪元慶泉孫

瑤編一卷最堪珍難得推敲字字新三十二年無別好
盡拋心力作詞人
遊遍湖山眼界空幾多佳句入囊中年來莫笑貧偏甚
如此工詩不負窮

洗盡鉛華吐苾芬騷壇白戰總輸君工夫鍊得清如水

纔寫詩情到十分

歙縣鮑康子年

蓮花幕下寄吟身佳句無他只是真莫笑客中頭已白
未妨福薄作詩人

濟南名宿早羣推更有同心解愛才添得典琴佳話在

開函先見故人來吾友王子梅典所藏霹靂
桐古琴選刻君詩一帙

一編惠我詎無因翦燭披吟許步塵高唱踏歌誰更甚

桃花潭水憶汪倫同閣汪泉孫舍人
尤誦君詩不置

同調誰彈海上琴廿年編訂得知音選材搜徧蒼巖路

方信良工具苦心君選輯滄州詩
得二百餘家

蘭根草舍詩鈔題詞 四

神交也自託蘭蓀欲報瑤章舌又捫笑我詩逋無計了

累人十叩竹籬門泉孫屢囑為題
詞遲遲莫報

漢陽葉名澧潤臣

王郎詩興老無敵巨編叢草似山積純鉤躍冶珠騰光

四十餘年贖茲冊竭來覓我殘石文時以魏碑
二種見貽知君嗜

好歐趙倫明湖一曲不可見千里相思楊柳春

江蘇吳昆田稼軒
清河

急管繁絃裏孤吟息衆囂清音自山水真意出風騷文

獻鄉邦重詩歌歲月勞滄州有美酒此卷敵醇醪

同里劉仲瑋耘藍

一生踏破輦紅塵世外遨遊寄此身非佛非仙眞逸士
不官不隱古詩人詞章徧采酬桑梓

君曾選滄
詩二十卷

金石窮

搽泣鬼神

重修州志增
入金石一門

可嘆前賢多淹沒滄江今日有

功臣

同里 遲澧蘭 蘅浦

披羅廿載遍鄉邦雅意憐才更少雙入夜詩魂齊下拜
一天明月滿滄江

尋碑野寺幾辛勤

道光壬寅城南王寺鎮掘得北魏征
虜將軍王僧墓誌君爲立石表其墓

又紀城南起戰雲

集中有題滄州
失城紀畧諸作

定是詩才兼史筆尊

前共說故將軍

蘭根草舍詩鈔

題詞

五

吾盧可愛賦歸田東國雲山過眼前近日詩情何處寄
竹林殘雪柳絲煙

評語

清機徐引雅韻天成適讀五燈會元第十三卷至撫州曹山一則云文字性異法法體空迷則句句瘡疣口則文文般若云云爰書以移贈道光十八年十二月二十七日慶雲念堂老人崔旭曉林氏拜讀一過

諸作清新雋逸中正和平已臻改絢爛爲平澹境地較今之殺粉調鉛堆牀架屋詡詡然自矜爲獨得之秘者其相去奚啻霄壤是謂真手不壞曷勝欽佩道光丁未七月望後二日山陰後學雨菴氏傅霖拜讀於濟南旅

邸

蘭根草舍詩鈔

評語

一

大著以韻勝語淡而意深昔人評高李王孟四家詩爲意致閒遠此境最不易到足下冲澹夷愉宜其所造如此讀竟曷勝欽佩咸豐丁巳八月陽湖愚兄汪昉叔明氏識

淡而不厭簡而文溫而理於此詩見之矣吟諷一過使人之意也消丁巳季冬望有三日識於濟南寓齋眞州石琴弟張積中拜讀

大藁各體清妙所謂發豪華於簡古寄至味於淡泊一洗時流濃纖綺靡之習其爲人藹然可親絕不矜才使氣尤徵學養讀竟不覺心折時戊午初秋上泮桂林愚

弟朱琦伯韓氏拜讀

大著細讀一週平淡中有真味王韋之眞派也近世時流往往以餽釘爲工縉詞日興情韻日匱惟斯雅正足以砭之戊午八月十二日宗弟蔭昌識於濟南廡齋

大著清思雋語淡而彌工詩品之高當在鏤金錯采初日芙蓉之上吟諷一過不勝傾倒戊午九月甘泉少紫弟林溥拜題

施朱敷粉貌有不足徵典求書才有不足今讀蘭根草舍詩快覩廬山眞面矣其空靈也如月之印水其清潔也如蓮之出波其舒卷自如也如晴雲之在霄其風流

蘭根草舍詩鈔

評語

二

自賞也如好花之臨鏡間有麗詞仍不失林下美人珊珊來遲之度詳閱再過喜讀百回戊午十月泊陽泉孫弟汪元慶謹注

大集細讀一過所謂乾坤清氣得來難君獨得之直令人頰首至地戊午孟冬桐舟弟鮑瑞駿拜題

大集捧讀一過不矜才不使氣然正恐矜才使氣者百不能到前人論詩最貴清真雅正斯作正合得此四字已未孟夏東牟月槎弟趙星海

蘭根草舍詩鈔卷一

滄州王國均侶樵

也園草

自題松下聽泉圖

圖繪僧伽像時年二十八丁亥

侶樵主人寒且陋畫得豐腴不成瘦身外身兮名外名
疎野何妨幻作僧况乎塵氛不我擾在家何如出家好
獨倚蒼松聽冷泉置身何必青雲巔不衫不履全其天

初春

戊子

尋芳好自趁閒身領取暄妍氣味新臘意全消纔向煖
冰心久抱易為春草能回碧夢猶帶花欲破紅香有神

蘭根草舍詩鈔

卷一

獨怪酣眠門外柳安排冷眼看遊人

和方壺仙史見贈韻

方壺此仙別號

拋書不藉硯為田且向匡牀鎮日眠骨俗豈堪追隱逸
才疎也自伴神仙當窗已悟芭蕉喻

余有蕉夢草堂圖

對影憑

參柏子禪忽聽霓裳雲外奏從今不羨大羅天

原作附

小圃憑開數畝田淵明且向北窗眠吟身有地皆堪
託才士無名卽是仙境僻輒深雲外想心閒好試靜
中禪林泉自在紅塵內住箇高人便洞天

梅影二首同方壺仙史作

玉闌斜倚影娟娟爲戀清光不忍眠賴有冰心寒處印
好將花樣淡中傳夢邊破夢休疑幻身外尋身總是仙
遮莫林逋動歸興敲詩步入散花天

瘦影纖纖砌下橫者般色相太分明安排花事心無跡
掩映溪流月有聲得伴雲蹤疑夢幻偶沾衣袂覺香生
世間豈少尋梅客誰與前身證舊盟

繪春吟

此寫韻室社中題也社起花朝余後至同社
諸君俱脫藁矣補作四首

春柳

蘭根草舍詩鈔

卷一

二

柔颺吹遍綠楊枝長短亭前看柳絲樹密曾誇鶯出早
春歸轉恨燕來遲至今照水還青眼終古臨風總翠眉
我有離懷難自遣最憐絮影乍飛時

社中諸友
俱將遠行

春草

沿溪小草恰含芳看得纖芽爾許長一撲晴煙縈蛺蝶
幾番清夢繞池塘寸心惟戀春暉煖雙袖空沾書帶香
可奈王孫遊未足暮煙隱隱又斜陽

春蝶

南園百卉正芬芳青草池邊蜨影忙粉本任留雲樣好
彩衣時帶夢痕香露來細雨輕縈絮趁得清風便過牆

從此瑤臺沾玉露秋來兩鬢不知霜

春燕

珠簾欵罷燕初歸巷口呢喃話夕暉得地不關新畫棟
此身原是舊烏衣偶隨飛絮來香徑每墮晴泥點繡幃
爲愛樓頭多玉樹年年祇傍謝家飛

七月五日送表弟葉芸士畢姻之粵

一棹清溪兩岸山莫從鏡裏認煙鬟畫眉要看臨行樣
剛遇初三月正彎

羅浮香裏暫爲家轉笑師雄一夢差今日仙山眞箇到
有人清絕對梅花

蘭根草舍詩鈔

卷一

三

燕

己丑

營巢鎮日睇雕梁來往春風話短長牆外落花簾外絮
關他何事費商量

懶園雜詩爲表弟葉印山題

水繞迴欄樹拂廊雲煙結處似仙鄉階前花與池邊草
都作蓬萊頂上香

屏是玻璃面面開幾竿修竹解憐才寫生爲有黃筌筆
个个敲窗送藁來

雨喚濃陰風喚晴蕭蕭無樹不秋聲涼蟬似羨吟詩好
飛過枝頭也亂鳴

三十初度口占呈方壺仙史

插腳紅塵亦夙緣，但消煙火便登仙。今宵偏醉麻姑酒，添得人間壽幾年。

秋草

暮煙橫處日西銜，兩岸蒼茫綠欲芟。香盡蘼蕪秋色老，魂銷蝴蝶夢痕攙。淒迷渡口人千里，寂寞江干雨一帆。儻使江淹重賦別，多應垂淚宛征衫。

芸士畢姻自粵歸途中失偶詩以慰之

庚寅

梅花香裏試征衣，回首仙山事已非。好好安排林下夢，美人應踏月明歸。

蘭根草舍詩鈔

卷一

四

遊過天台便足誇，桃花零落漫咨嗟。阮劉同是神仙侶，眷屬誰能共到家。

戲詠不倒翁同蘭炳如表叔作

博得兒童盡日歡，祇嫌腰腳太蹒跚。沾泥欲洗談何易，失足無心起未難。賴有扶持思進步，敢因推策轉偷安。世人莫笑空空物，不字書容腹內寬。

題李霽峯詩集

詩筒墨雨藥爐煙，身比維摩句欲仙。翻似風人宜病體，吟成一字一纏綿。

也園雜興

秋痕幾縷透簾櫳短榻移來樹影中代漏愛聽蕉葉雨
貪涼閒趁藕花風柳耐宵露眠初穩蝶繪春愁夢不工
此際情懷何處託曲欄西畔畫橋東

蓬門深鎖綠楊煙無限詩情在眼前舉酒先邀明月醉
攤書閒傍古人眠花防客至頻堆徑牆避人窺恰過肩
可笑黃梁纔夢醒等閒更賦小遊仙

橋頭綠樹影婆娑好句難成且自哦到眼忽驚秋氣早
照人祇怪夕陽多醇醪和藥無妨醉止水經風亦作波
結想朝川詩句好前身曾是病維摩

寄慰張鯁臣茂才

蘭根草舍詩鈔

卷一

五

一破華年瑟經年感不禁燈前孤客夢泉下美人心緣
本夫妻重情宜兒女深要知堂上意寂寞到而今

感懷

十年潦倒萬緣刪背水柴門學閉關夢裏尋詩如訪友
興來讀書當遊山事因多病心俱淡身爲無營意自閒
始信王樵眞隔世一生兩度落人間

編籐作枕竹爲牀疎懶年來更倍常琴任空懸聊得趣
書眞坐擁自生香壇邊說法愁難解廬下聽經過亦忘
自笑三餐竟何事往還惟有黑甜鄉

賦罷閒居事事諳漸於淡處悟因緣塵心未淨難爲佛

鬼籙無名卽是仙
久住林泉充小隱
偶翻貝葉試初禪
笑儂的是王懷祖
虛度紅塵已卅年

者番清興久蹉跎
偶爾開襟一放歌
月色空如前代好
詩名斷送古人多
雲思出岫難爲雨
水到成渠定作波
莫問世閒榮落事
江湖到處伴煙蓑

感事詩

庚寅仲秋望後二日夢得車塵舟波四題賦

以寄感

車

繡轂雕鞍取式精
一鞭初試畫輪輕
安知艱險世閒路

藟根草合詩鈔

卷一

六

但走雷霆風裏聲
輻脫泥中空輾轉
塵揚馬後不分明
可憐車澤人多瘁
莫把勞薪誤遠程

塵

前塵飛過後塵揚
十丈衝天任渺茫
弱絮空隨人面舞
落花亂逐馬頭忙
飄同白雪終非玉
何遜雪詩若逐微風起誰言非玉塵
踏作紅泥未必香
敢向東風誇不染
零星幾點著衣裳

舟

茫茫塵海亂浮鷗
盪漾還誇利涉舟
短櫂早尋來路返
孤篷好趁順風收
連天煙水雲迷岸
滿眼溪山浪打頭
知否有人如范蠡
抽身先泛五湖秋

波

晴江風定水粼粼多少空花過眼頻此去可能投彼岸
重來也自悟迷津縱教起伏難成浪爾許澄清亦染塵
欲向靈山求寶筏時時渡過龍頭人

觀影戲感賦

與感事詩
同日作

畫幔輕籠霧一層當場跳擲不分明骷髏敢作燈前戲
傀儡能談紙上兵憐爾空中頻舞蹈虧他暗裏費支撐
只應演與村兒看絃管都傳得意聲

秋詠八首

柳

蘭根草舍詩鈔

卷一

七

別緒千條又萬條瑯琊道上雨瀟瀟愁眉何事低如許
宣武當年恨未消

半拂雕闌半玉塘風前搖曳幾枝霜悲秋無限涼蟬意
一片商聲送夕陽

草

唱罷薜蘿日易昏風淒露冷最銷魂匆匆送得王孫去
半是煙痕半淚痕

謝公誰道去西堂滿眼霜華夢正長儻戀春暉終不老
東風轉瞬又池塘

蝶

贏得刁豎兩鬢絲飛猶自戀空枝可憐誤入莊生夢
染盡霜痕尙不知
南園香冷影徘徊無力尋春莫浪猜儻念羅浮舊仙侶
扶持清夢過牆來

燕

翦盡西風結伴歸雙雙同是舊烏衣誰憐王謝堂前客
雲水蒼茫正亂飛

幾度呢喃過畫樓鄉心都付夢悠悠知他舊恨添多少
掠遍斜陽總是愁

送方壺諸友

蘭根草舍詩鈔

卷一

八

送行無那柳絲絲長短亭前酒一卮小院春深人未覺
畫梁秋盡燕初知夢當醒後尋宜早花到飛時看已遲
檢點寒梅舊冰雪月明無地著相思

和葉眉生表叔見贈韻

時將續娶

琴音宛轉幾時停一曲銷魂未忍聽

君曾以梅影悼亡

殘夢好

隨雲影淡遠山重畫黛痕青悲歡兩度身難隱離合中
年事慣經頃刻筵開花燭下祇宜沈醉不宜醒

小立

辛卯

向晚濃陰放凍晴虛庭小立萬懷清詩心寂寂夜初靜
滿地雪花鋪月明

見山

久擬游山志未成者番端爲看山行此心早爲山靈鑒
無數煙鬟帶笑迎

臥遊廿載興闌珊壁上峯巒未可攀今日山中眞已到
翻疑身在畫圖閒

六月六日與趙因浦話舊感賦

偶然雅趣託清琴往事思量感不禁弱絮飄來原似夢
閒雲飛去總無心名花欲放偏秋冷好月初明又夕陰
且背嫦娥彈一曲廣寒深處有知音

時因浦將
赴秋闈

爲閩竹卿題畫扇

蘭根草舍詩鈔

卷一

九

幾簇樓臺隔樹分泉聲隱隱靜中聞此閒只許高人住
半是青山半白雲

書董心毅孝廉詩卷後

乙未

虛聲原不羨時流老視摩挲供唱酬漫道書生無事業
新詩一卷足千秋

半世高吟萬念輕此身曾被鬼門行

君病垂危數次

玉樓一召

君能隱才識詩人不好名

手把殘編樂未休浮名身世兩悠悠古人若箇差堪擬

心迹居然馬少游

百念全無似我稀江湖廊廟兩忘機等閒又附清流輩

合署頭銜小布衣

余新鑄滄州
布衣小印

張南橋明府自館陶寄贈寒蟬疎柳小幅賦謝

開卷如聞紙上聲
畫蟬貽我意分明
知君飼鶴調琴地
別有情懷爾許清

正有相思恨暮雲
秋容一幅寄殷勤
無端棖觸年時事
細雨清尊獨送君

病眼

單目紅紗事竟真
者番夙孽豈前因
無端熱淚傾如許
是爲今人爲古人

訪盡庸醫力已殫
幾時銀海奏安瀾
可知塵世渾如霧

蘭根草舍詩鈔

卷一

十

作達何須放眼看

觀奕

到耳丁丁一局殘
窗前小坐且盤桓
敢云黑白分明好
才識羸輸預定難
簾影低垂塵夢遠
燈花相對淚痕乾
玉樵雖是山中客
詎肯從旁袖手觀

夏日村居書事

丙申

無數殘編漸棄捐
農書從此課年年
一犁綠雨條桑地
半畝黃雲打麥天
欲贈窮交愁甕米
頻呼晚飯盼炊煙
嗟予恰比城南叟
負郭平分二頃田

答蘭炳如表叔

久擬趨逢話別離恐勞慰問悵幽思荆花記否堂前樹
風雨飄零君不知

思親渺渺隔雲天家世如斯事更難欲把傷心爲君語
愁君老淚也洑瀾

卜居旣成感賦

時族議命均經理先塋

一曲墦簾小院東卜居新喜得相從敢因別業成高臥
爲守先祠近大宗有夢不離池畔草關心擬補墓門

松今年二月二十四日甫安葬先靈移家轉觸無涯痛目極邱原淚幾

重

病目三載無日不食瓜嚴冬尤甚

蘭根草舍詩鈔

卷一

十一

冰瓜充我腸目光輒炯炯一笑謝故人我眼固宜冷
眼以心爲根澆之以冰雪沁骨寒不妨心血依然熱

寒窗書事

丁酉

堆架還盈几農書雜藥方分勞資僕健卻病賴醫良骨
俗難稱隱才疎未敢狂世情竟何與也復逐朝忙
句逐吟髭減杯憐酒興賒偶然心欲醉不覺手頻又攬
醜覓題去東籬菊尙花近來清趣少風味愛陶家

辛鶴千博雅好古構舫齋爲書畫室題以二絕

推窗彷彿掉孤篷四壁雲山一葉風如此臥遊誰得似

滿船書畫米南宮

潘石當軒妙入神君近得潘班畫一卷甚佳潘以畫石得名桃根桃葉畫難

眞近於書齋後納姬船頭不用頻裝點一曲屏山護美人

荆花館吟藁

移居二首戊戌

故土依依未忍拋卜居數武幸非遙移來明月一牆遠

攜得全家八口饒雞犬相隨如有約琴書有限不須挑

遷家畧得陶翁趣詩滿奚囊酒滿瓢

重葺茅堂興欲賒槐陰彷彿蔭窗紗宅為先君子本生故地舊名槐堂

雛鶯高轉因遷木乳燕初飛又認家翠映閒庭眞玉樹

紅分隔壁望荆花近顏所居曰荆花館吾廬草草吾何愛撫景盤

蘭根草舍詩鈔卷一 三

桓翹亦嘉

自嘲

勘破名關與利關幾多世慮尙難刪偶然習靜心偏擾

未可言貧勢亦艱得地剛如梁上燕無錢又買畫中山

營營自笑成何計往事回頭一夢間

設榻

設榻當軒夏正長亂紅飄過硯痕香時來好鳥一兩箇

偶錄奇書三五行蝶爲尋花連日醉蠶因製繭半春忙

營營到處看如此何似曹騰滯夢鄉

室靜

室靜香初蕪簾開篆乍分爐烹天外雪石蕘嶺頭雲山
色看不厭泉聲流欲聞臥遊良自得尺幅李將軍

村居偶興

放眼桑麻樂不窮圍林恰稱野人風麥租秋隴雲盈畝
萊典春畦地計弓食重漸知愁米貴家貧始解盼年豐
此生豈是忘軒冕骨相元來田舍翁

苦旱

愁雲如過客鎮日去來頻偶雨不成點夕陽仍向人絃
歌深巷減談笑老農嗔我爲三餐計何堪隴畝民

宿南橋明府叢樹山房題贈

蘭根草舍詩鈔

卷一

三

煙巒滿壁影嵯峨小賦歸來足嘯歌始信長官清似水
袖中攜得亂山多

醉言

牙籤插架任婆婆好句拈來醉裏哦杯底詩情天外至
眼前山色畫中多心緣嗜古常留癖性本耽吟易入魔
三十九年成底事堂堂歲月已消磨

重過也園示六樵弟

十載高吟地新聲屬阿連墨痕還屋角夢影忽池邊客
散敲棊候風清習射天重來幽興發好句欲同聯

也園小飲有懷李芷湖及紀穆菴表弟

小醉清幽地閒吟傍水涯聽詩得明月勸酒帶飛花句

好思投李

余素不識李座中
偶論其詩極愛之

情殷欲報瓜

穆菴近
有所餽

伊人

渺何許遙夢動蒹葭

早行

夜色淨於練水光天不分樓危晴帶月樹暗冷棲雲野
潦彎環出村雞遠近聞前津思借問攬轡待朝暉

乞劉韻生畫賦謝

絕代丹青筆相逢被醉顏雲煙供點染風雨話荆關我
正思高隱青山不可攀多君方幅裏一角贈螺鬟

荆花館雜詠十首

鈔
七

蘭根草舍詩鈔

卷一

七

蓼我旣廢吟春令敢忘誦我初別業居荆花手親種歌
詠近西堂堂牽春草夢

畫中有修竹壁上有短琴披風一長嘯逸響來深林竹
風入疏絃并作蒼龍吟

我有古銅鏡長作法輪轉十年不曾磨任彼光馳黠家
貧過客稀無人照肝膽

飲酒棄其罍積多有山致嶮岬高出簷苔痕點新翠缺
處補茅亭饒得醉翁意

閒庭偶種樹亂列失行伍佐以人形石縮項態如俯紅
塵十丈深稍爲山林補

覆簣不成山一邱積如冢種以蔓菁花雨來青到頂風
味菜根香幾人能細領

破屋葺東頭寒廚類空谷婢媪無兼長僅辦黃梁熟粗
糲我自甘肯折清貧福

題劉筠塘先生遺集

己亥

下第劉黃但著書高吟一世賞音無不知葬得詩魂後
可聽王郎叩唾壺

近爲選各體數首入滄州詩鈔

齊遊小草

樂陵題壁

庚子

獨坐不成寐更深慮未空悶呼鄰店酒寒避過窗風禦
蘭根草舍詩鈔

卷一

五

冷衣無力消愁句不工全家昨日事笑語伴薰籠

旅夜書懷

塵夢忽驚破風寒衣不勝聲搖窗嘯月影暗壁巢燈旅
况翻疑病禪心久似冰青山如誘我出世念還興

遊緒果洞

洞在鄒平縣賀家山明僧緒果棲真處也

絕勝清幽地名因緒果傳泉聲依竹石鳥道入雲煙花
落霞邊雨僧談洞口天山靈如可接欲問再來緣

鄒平閒眺

曲曲城根路清流擁髻鬢橋平低臥水石亂聳成山雨
歇孤峯出雲歸古洞閒梁鄒諸勝蹟不厭數登攀

鄒平城外偶步卽景得句

鶯聲初滑燕初酣
沽酒前村見往還
豔說城南紅杏好
不禁魂斷賀家山

章邱道上

車聲緩緩曉風柔
柳色初黃半似秋
好是白雲湖上路
澹煙微雨過章邱

湖村卽景

白板青帘屋呼樽
坐寂寥窗殘塵影亂
風定市聲遙
世事看千變
鄉心觸萬條
可堪湖上路寒食是明朝

客陶吟

蘭根草舍詩鈔

卷一

六

初至館陶聞鷓鴣

辛丑

絕好園林偶借棲
聞聲也覺意淒迷
幸余未抱長離感
歸興濃時莫再啼

賀葉子佩表弟得子

古來人傑因地靈
諒哉此語非虛稱
船山昔產陶山畧
張船山先生問陶遂甯人其太翁會爲館陶令

詩名一代聲
錚錚石林亦抱便
便腹一卷船山詩爛熟
詩人際會不尋常
生兒恰是當年屋

兒生喜誇掌上珍
貌似乃翁無點塵
雛鳳清聲出

老鳳定有詩骨森
嶙峋聞君長吟坐
吟榻兒聽笑口不

能合狂舞若助詩興
豪啼聲似與詩聲
答獨惜船山工

苦吟詩中氣味多山林崎嶇歷盡得一守祇有詩名說
到今人欲工詩窮乃可我但祝兒無坎坷好憑庸福到
公卿莫與詩人爭飯顆

滄州詩鈔將成喜告家中諸友

長篇短什儘收存幾遍丹黃亂墨痕他日歸裝誇富有
扁舟滿載古詩魂

寄懷張秋晚表姪

爾我真良友吟禪與醉禪篇章同校字杯酒劇談天共
對惟明月堪驚是逝川寄言相勸勉擱筆一纏綿

送李寶溪孝廉歸滄州

蘭根草舍詩鈔

卷一

七

客中送客意纏綿觸起鄉懷倍黯然笑我夢魂忙太甚
故園身到在君先

輕風畫槳柳絲絲正是懷人覓句時我道歸裝恰相稱
半帆煙雨一囊詩

城外晚步同葉芸士作

向晚東郊望雲容暮靄含客游朋輩少別味近來諳鴉
亂樹高下牧歸村兩三怪他歌麥秀爲政是張堪

聞伯兄一樵下第後有晉陽之行感賦

十上勞生嘆能無悔近名風塵雙鬢改書劍一囊輕行
役嗟予弟舒懷仗友生晉祠渺流水凝望總關情

豈果貧爲病窮年事轉加築臺難避債釀酒待移家筆
列文成陣門排柳似衙若教官一縣早滿洛陽花

游興今番壯秋來又整鞭今秋擬作蜀楚之游旅懷三峽雨鄉夢

五湖煙萍梗身難繫風霜客自憐龍門覽江海不爲買

山錢

難兄更難弟境遇各蹉跎家計已如此人生當奈何長
貧有真樂久病養天和聽雨聯牀夢從今秋正多

館陶客次懷南皮張南橋明府

南橋先生宰館陶多惠政迄今十載士民傳

道勿衰客秋表弟葉芸士量移是邑爲治一

蘭根草舍詩鈔

卷一

六

遵其法民又翕然稱之余客陶目擊其事嘉
芸士之能善厥治而歎先生遺澤之長也因

爲詩紀之

澤溥陶山久邑民爲君懸澤溥陶山額於縣堂何當臥澗阿來攜心鑑

朗去牘口碑多築堰除箕斂衛河隄堰向係民修攤派未均致多訟牘君詳請捐

廉爲例邑民至今感誦之傳經起桂科陶邑久不發科君創陶山書院教多士庚子高君廷俊得

雋君受業生也我來聊信宿棠蔭感婆娑

葉公會問政葉芸士調宰是邑走書請益凡所指示皆見施行仁德奉揚勤履

廣人多庇庭閒訟不聞花連前岸樹雨借故山雲時復

聽輿頌還因舊使君

故人違已久客邸最堪思話雨頻開甕挑燈共選詩爲
徒今與古好我友兼師觸景頻相憶閒愁上鬢絲

陶園雜詩

檢點新懷訪舊知閒身何地著相宜主人爲是耽吟侶
招向花閒對校詩

石堆庭院聳奇峯樹影參差色淡濃如許新奇巧安置
山容剛被碧雲封

窗前靜對子猷竹壁上常懸單父琴竹抱虛心伴佳士
琴舍古調待知音

溪聲宛轉勢逶迤潤物先教注小池偶倚紅欄聽泉水
蘭根草舍詩鈔

卷一

九

出山還似在山時

疎籬幾曲繞廊斜濃翠深深暈曉霞除卻甘棠卽桃李
從今休說洛陽花

雲扉花裏不輕開偶爲迎賓一掃苔莫怪相逢盡仙侶
玉喬恰住小蓬萊

和雲和霧影淒迷楊柳樓臺高復低最是客魂銷不得
半城煙雨鷓鴣啼

卽席贈文艮生少尉

仙尉風流結古歡詩名宦蹟兩稱難才狂例許稱高士
腰折何妨拜長官好句清新花共瘦高齋寥闕鶴嫌寒

此身吏隱君無愧，隨遇從今信可安。

贈范星甫兼以志別

貧非徹骨未爲奇，說到離情嘆不支。萍絮風搖江上久，

綺羅香到夢邊遲。

時尙未娶

半生艱苦天難問，一榻淒清月

不知雅士多應無。俗韻茶鐘藥裹總相宜。

孤調曾彈一曲琴，我來謬許託知音。酒酣竹葉幽人趣，
幕繞蓮花君子心。鄉夢莫教連日遠，離腸拚到此時禁。
陽關欲唱還休唱，生恐君聞感倍深。

夜坐偶成

歸興作還止，懸旌心欲搖。夢回鄉緒繞，書去客情遙。待

蘭根草舍詩鈔

卷一

三

雨雲同臥敲詩月，共邀最憐羈旅輩。惆悵負良宵。

星甫招餞卽席成句

匆匆詎忍對離筵，賦盡閒愁緒萬千。今果分襟更何語，
無言相對總淒然。

靈椿君喜有高堂，岵峒同嗟我自傷。我便能歸竟何益，
松楸滿目恨蒼茫。

留別表弟葉芸士四首

晨夕丹黃共我來，三月期早知官似隱。特借吏鈔詩花，
落庭閒地燈紅酒綠時。渾忘在羈旅，風雨對拈髭。

未改書生度所施，應可觀愛民類慈母課。士本儒官異

政相誇易輿情共愜難宓琴牢挂壁已治不須彈

樹比甘棠盛濃陰帶雨痕何來一渠水清到長官門魚
戲得天趣鳥鳴無俗喧愧余疎嬾客日日坐窺園

欲譜陽關曲當歌鼻已酸亦知歸去好豈是再來難涼
月白將墮曉燈紅欲殘此情不可問回首幾盤桓

題陳少室三十四歲小像

十二年前與君見披圖猶識圖中面我有熱心君熱腸
盟結三生石一片瞬息分襟秋復秋羨君清福享林邱
藕花風與梧桐月消盡人間今古愁對茲佳境不忘舊
石鐫古篆頻相授與君氣味本相投使我夢魂環座右
蘭根草合詩鈔

卷一

三

夢裏逢君未是奇披圖喜見少年時便與傾心相共語
忘卻當年愁別離別離雖久知無恙從此韶顏無變相
焉得丹青貌我石頭邊與君對牀聽雨長相向

客陶續吟

四月三日送星甫歸省太倉兼賀畢姻之喜

壬寅

連朝始得慰離情又整萊衣試遠征此際縈懷真不解
欲留君住盼君行

一鞭搖雨憶江南翠被香濃夢定酣欲贈畫眉新樣子
臨行織月記初三

六月一日傳言教匪將至同芸士守城口號

無端煽惑竟何因謹慎何妨假作真一例嚴防便消弭
須知持重是通人

芸士初聞此信卽四城
戒嚴頗有以爲過者

劫殺將看局一盤死生機括不容寬王樵雖是觀碁者
豈肯輕辭下手難

編詩未了客心驚枵腹空談紙上兵智勇書生竟何有
還憑五字亘長城

次日再題

萬家燈火靜無聲獨坐危樓夢亦清此際何人看天象
城頭應有客星明

客况

蘭根草舍詩鈔

卷一

三

故園回首夢闌珊歸計難成客亦難昨接家書付行篋
鄉懷歷亂怕重看

哭陳少室六首

鈔四

凶問突然至難禁涕淚傾三生金石約十載弟兄情聽
雨洒常對懷人詩偶成卽今追往事歷歷尙分明

自笑頭銜重虛名累此官才因悲落冥骨自帶清寒雅
士貧方稱孤情洽最難窮交偏賸我生死共相看

詞翰同心久絲蘿更結姻阿咸稱快婿道韞是才人新
婦賢初著舊交情倍親知君憐女意觸目轉傷神

哭君君未聽風雨祇增悲此別竟千古相逢知幾時魂

歸三島遠緣恨再生遲珍重收遺札開函無限思

對柳感賦

癸卯

花飛莫歎盡爲萍看是山程是水程記得客秋原上望
萬重煙翠雨餘生

家漢槎茂才以詩詢近况次韻答之

甲辰

輕霜喜上鬢邊遲柴米經營幸不知客至翻教誇富有
奇書滿架酒盈甌

方期堂構繼前徽

近葺草屋數椽

典盡春衫願尙違賸有敝袍

難遽舍當年曾伴老萊衣

伯先嚴慈於壬辰乙未見背兄一樵謝世又三年矣

檢點襟懷淚欲傾求仙問道兩無成高吟擬共林泉老

蘭根草舍詩鈔

卷一

三

猶恐人疑是盜名

性緣嗜古任摻羅贏得看山畫裏多周鼎商盤無用處

一回感慨一摩挲

蘭根草舍詩鈔卷二

滄州王國均侶樵

厯下吟

三月三日陳石生司馬招飲厯下亭同何地山茂
才章茶坪上舍潘四梅刺史袁復生叅軍分賦

乙

蒲劍初抽柳眉展明湖鋪碧清猶淺佳辰恐負三月三
無數輕舸恣往返今雨相招古厯亭心同樽酒一時傾
座中賓客皆佳士咳唾競發春風生酒酣使我豁雙目
人影嵐光共相逐煙鬟霧鬢不分明鏡裏相看盡如沐

蘭根草舍詩鈔

卷二

一

我本滄江落拓人客懷悵觸思難禁歌聲隱隱嫌多事
燕影雙雙惹恨頻慰懷差幸逢良友雄談借作祛愁帚
爲感主人情意殷旣醉還教杯在手詎知舊恙苦糾纏
幾回欲去復留連擬待曲終不可得清風吹返子猷船
歸來客館嘆蕭索回思風景對還酌禿筆殘燈記勝游
夢魂猶被湖山約

再和石生司馬上已招飲厯亭用東坡放船焦山

韻

夙嗜山水思游耽荒村日釣南川南

南川樓故址在滄治

偶來厯

下恰旬半何幸佳日逢重三明湖再至愜幽賞拘束似

解纒繭蠶杖履追陪盡名士春風坐久徒形慚舉杯共
傾琥珀釀掉舟擬泛琉璃潭散步憑欄縱游目春情爛
漫鶯花酣旋復入座恣大嚼放懷不禁虛無談弔古欲
醉鮑叔墓論詩思寬遠公龕青山誘我終當去鄉居鬱
鬱焉能甘我雖貧士重廉介山川靈秀何妨貧主人更
訂重遊約探幽自詡腰脚堪不須滄江嬾歸臥湖心早
辦青峯巷

龍洞新搆小亭移竹數竿於側題以二絕

鈔一

小亭新結萬峯陰添種琅玕翠倍深從此相招有丹鳳
空山風雨答龍吟

蘭根草舍詩鈔

卷二

二

天津牛次原先生屬題太翁松陰課子圖

作圖時先生甫

七齡

白頭老翁抱孺慕侍膝情猶少時沂大人不失赤子心

披圖故我逢其故聞翁授書方七齡卽承庭訓能傳經

嶄然韶胤見頭角庭前玉樹同崢嶸初登蕊榜佐農部

龍圖倬直游天路六詔曾攜玉尺量三邊還荷金戈戍

萬里歸來霜滿巔後隆山起能光前靈椿蔭被及齊晉

太守循良大令賢

令嗣長君守汾州次令山左

我與仲氏稱良友幸

得叨陪杖履後南樓時對庾公談東國重逢老萊叟感

翁桑梓情最殷滄詩許弁琳琅文聲價定應增十倍品

題直擬重千鈞世掌絲綸能有幾中外宣猷世罕比安
榮憂患并一身克家不愧趨庭鯉翁今華髮猶朱顏等
身著作藏名山林閒老鶴見應愧疑翁已列羣仙班命
題繪帙促擲管稱觴不恨予生晚願祝翁如千載松年
年長晉延齡瓊

卽韻答李仲衡孝廉

娛懷歌舞亂箏琶小住明湖便當家癖近煙霞常愛石
性貪杯酒不因花偶然作客情原好未覺思歸鬢已華
恐阻鄉關夢來路夜深猶啟帳邊紗

俞四香茂才以水西亭登高用張繼九日登揚公

蘭根草舍詩鈔

卷二

三

臺韻屬和卽以書懷

丙午

重陽節近嬾登臺旅館蛩吟耳畔哀索債怕逢騷客至

編詩喜見古人來

時輯滄
詩未竣

偶因釀雨雲還住不管銜書

雁屢回寄語故園諸子弟他鄉又看菊花開

石生諸友初擬結消寒詩社適有人贈益梅二株

因以爲題

寒窗高臥幾經年歷盡冰霜質愈堅涼月斷雲渾昨夢
空山流水總前緣身依佳士心俱淡影落香塵骨亦仙
偶與羣芳作領袖小春先放一枝妍

黃紫垣少尉屬題帆影樓額綴以二絕

鈔一
丁未

危樓高聳勢如帆，湖葦蕭蕭睡正酣。
未許蘊蘊動歸思，半窗明月夢江南。

和次原先生寄懷元韻二首

一鈔

歷歷生平九十年，名儒宗匠散神仙。
文章令我甘投地，心迹如公可問天。
歷下風騷歸白社，夜郎篇什敵青蓮。

公自西域阿
著作最富

感深最是琳琅序，老筆如椽表昔賢。

余輯
滄州

詩鈔公
爲製序

趙夢山茂才屬題李香君小影

戊申

絕代蛾眉占莫愁，西風腸斷秣陵秋。
悲歡情事興亡感，都付秦淮日夜流。

蘭根草舍詩鈔

卷二

四

題畫扇有贈

南朝金粉豔齊梁，難得佳人出北方。
十二闌干紅不斷，繡裯閒坐補鴛鴦。

一番離聚恨匆匆，莫遣玲瓏唱惱公。
無限相思寄紈扇，故人可似似清風。

倫鎮題壁

回首家山悵別離，客懷如夢鬢如絲。
行蹤定被行人笑，草草鴻泥壁上詩。

好雨初晴麥秀天，束裝又復整吟鞭。
無端棖觸前宵夢，紅袖銀箏最黯然。

高唐題壁

地以嘉名重何須事果真誰曾夢雲雨我尙走風塵窗
暗樹圍屋城高月避人寄言神女伴過此莫遂巡

汶上張寄琴明府屬題憩園雅集圖卽用圖中舊
韻

元卿舊圃爲重開展卷雲煙夢醒纔補竹正招佳客賞
橫琴喜見使君來官能分俸庭眠鶴人爲尋詩屐印苔
有此名園能作主便思一訪宓公臺

寄琴將卸平陵篆復出憩園圖索題卽以贈行

披圖又現宰官身管領湖山樂趣真酌酒論詩等閒事

蘭根草舍詩鈔

卷二

五

座中疑有著書人

十畝紅蓮接綠陰納涼人靜坐開襟夜深小試碧筒酒
一瓣香中一片心

轟轟琅玕翠欲流風宜入夜雨宜秋憑欄笑問同游客
看竹何人憶子猷

兩度明湖載酒行歸裝祇此畫圖輕耳根留得琴音好
猶帶泠泠汶水聲

魚臺杜訪琴明府罷官歸里以先世所遺許亭山

水紀畧屬題用以贈行

先澤傳來歷幾秋家山風物一編收好攜馬上頗開讀

權把還鄉作壯遊

宦海浮沉嘆奈何敢期安穩涉風波儻非杜宇留春住

白髮青衫涕淚多

君緣事望誤議
謫軍臺尋免

一官落拓覺身輕檢點歸裝十日程何事關心忘不得
名泉好友與蒼生

身似閒雲戀釣磯朝衣從此換斑衣祇愁世有爲霖望
有好溪山不放歸

初冬二日邀徐桓生觀察陶星江主政同游釣突

泉感而有作

噴薄如斯不暫停浪花飛處碧冷問誰詩境差堪擬

蘭根草舍詩鈔

卷二

六

一片仙心寫性靈

緜嶺攜來子晉笙思逢勝侶快同賡三年負我名泉住
不見仙人跨鶴行

初春念九日寄琴明府復遊歷下出重題憩園圖

二律索和蓋紀兩次攝篆平陵事也卽次其韻

己酉

耽吟人易鬢成霜別緒經年到綠楊滿縣栽花春正好
開軒對竹趣何長鳴琴再見名賢蹟執掌羞同俗吏忙
檢點新編多妙句瀕行珍重付奚囊

詩成風味澹於秋兩度明湖紀勝游霖雨又隨賢宰至

好山終爲故人留宦情似水清無極塵夢如煙淡不收
七十二泉增悵望得君管領復何求

和鈕嘯琴明府見懷韻

萍水因依亦以緣燈紅酒綠奈何天湖山勝侶笙歌隊
一夢匆匆近五年

送訪琴歸里

中歲忽致仕驅車古贊皇客懷濃似酒宦味淡於霜世
事已如此前程自主張一官眞草草那復計歸裝
酒盞共詩牌娛情處處皆了無不平意時放古人懷親
健貧能養妻賢隱可借留君非所欲小住亦爲佳

蘭根草合詩鈔

卷二

七

湖邊寓目有感

湖雲祠樹影依稀蘆短沙平水一圍羨煞雙鳧幽夢穩
不隨仙履逐風飛

時余游葉芸
士明府幕

家漢槎茂才以春雨四詩見寄依韻和之

二鈔

如煙似霧潤方塘乍返離魂草漸芳洗出二分好春色
山容微碧柳初黃

竹杖芒屨興最賒踏青不見走香車鶉鳩聲裏煙痕重

濃壓一枝山杏花

九月念二日將歸里門留題齋壁

檢點襟懷萬念輕勞肩欲息尙營營此身已似將歸燕

秋雨秋風無限情

幾番惆悵舊烏衣
屢說還家願
屢違山角斜陽雲外路
莫教輕帶軟塵歸

戲贈蠹魚

嘆我拋書已卅年
苦心輸爾費鑽研
一編應愧兩相誤
我未成名爾未仙

留贈章邱張小波明府

政事文章信有因
詩仙忽現宰官身
庭閒花落方敲句
一騎衝寒來故人

湖山遙望類江南
雪意初消綠正酣
麥秀雙歧應預卜

蘭根草舍詩鈔

卷二

八

比來爲政是張堪

主人縱我耽幽癖
指點煙霞供往還
今古爭傳兩名勝

灌蔬園與女郎山

女郎山在城北二里許
灌蔬園高卽霞所創也

多君雅意費郇廚
酒綠燈紅興不孤
領得異鄉好風味

不須歸思動菹鱸

題王師古蛟鳴小草

炎涼閱盡道心生
好與煙霞續舊盟
偏是塵緣辭不脫

詩囊藥裏共茶鐺

輞川欲訪恨緣慳
親見維摩入道年
從此一編分兩集

儒林方外總流傳

師古道裝

送陳乙軒廣文歸里

庚戌

楊柳絲絲送別天
回頭往事總雲煙
紅燈綠酒笙歌隊
歷歷湖山在眼前

爲高卽霞題灌蔬園

樹影高低雲淺深
居然城市有山林
沿溪堆出奇邱壑
雨岫煙巒見匠心

紅霞萬樹映樓臺
賴是春風取次栽
無數城南好桃李

一齊開遍繡江來

君刻繡江詩鈔并繡江書院課藝

雉牒遙遙影斷連
小亭閒望聳吟肩
詩成五字真千古

轉比長城築更堅

邑侯張君樸倡眾紳捐修城工君爲表率

蘭根草舍詩鈔

卷二

九

畫舫天然竹外幽
一竿釣此幾生修
刻溪雪後還相訪
欲借君船泛子猷

將去濟南口號

故園別久夢來遲
客裏光陰祇自知
身比閒雲情更嬾
湖山留戀幾多時

五載匆匆了夙因
雲煙詩酒竟前塵
等閒未可頻回首
半是名泉半故人

歷下早行口占題褚家營店壁

三更杯酒五更雞
草草輕裝趁馬蹄
歸夢不知忙底事
早隨殘月過城西

到家四首

鈔二

偶燕芸香惱蠹魚青燈重對意如如一編到手真慚愧
彷彿人閒未見書

家本農桑重織耕青箱事業費經營侵晨入耳居然好
紡績聲兼誦讀聲

雪中乞友人盆梅未至適戴潤齋孝廉以詩見貽
喜而賦此

尋花覓友兩緣慳雪夜徒誇訪戴天我有瓣香誰可奉
故人詩到在梅先

自家返濟宿德平用厯下早行韻

蘭根草舍詩鈔

卷二

十

催人無賴數聲雞疲馬衝寒又放蹄別味不堪頻溯憶
一彎眉月挂樓西

濟陽道中仍用前韻

茅簷日午又聞雞心急看山促馬蹄遙望匯波城下路
菜花黃過鵲華西

都門贈陶鳧薌太常

辛亥

海內傳聲久今番杖履親菊寒徵志節梅瘦比精神著
作名山業鬢眉古佛身八旬猶矍鑠天意壽詩人

近有瓊瑤贈開函細細吟以晚香唱和集見貽幾同高士傳一卷
故人心杯酒供酬唱交情孰淺深不傷忠厚旨雅意重

苔岑

我輯滄州集輸君闡發功蒐羅慚陋邑提唱賴宗工余見
君所輯畿輔詩傳因輯滄州
詩鈔仿君體例編次付梓
升堂真有幸端不負雕蟲

客游經五載高臥絕塵氛棲木似歸鳥出山同嬾雲詩

情因病減鄉夢觸思紛幸有南豐在心香好自焚

和作附

長洲陶樑 鳧藕

聞聲相憶久何自一朝親會合良非偶文章信有神

石林聯夙契

謂葉芸士

摩詰證前身西笑長安道紛紛名

利人

蘭根草舍詩鈔

卷二

十一

一卷滄州集閒來幾度吟典型留異代鉛槧證同心

病阻看花嬾書讐落葉深中條有佳色鬱鬱望遙岑

王粲依劉久人言佐治功揮毫千牘迅握算九章工

把臂來今雨披襟見古風塵緣誰擾擾得失競雞蟲

朝退渾無事關門謝俗氛鏡偏憎白髮鳥已倦青雲

圖史供流覽干戈望息紛

時粵西逆匪未靖

書生餘結習垂

老尚膏焚

出都與芸士分途口占志別

君作朝天客我為息影禽飛來復飛去求避最高林

宛轉嘯春風低頭惜毛羽莫使入雕籠飲啄徒自苦

閒雲偶出岫飄飄忽不止佐嶽儻爲霖歸山亦自喜
今朝成小別笑語互相親君步青雲去我家懷遠人

齊河道上

王

柳色初黃未著絲鶯鳴聲外雨如煙不禁棖觸離鄉感
寒食家家掃墓天

年來蹤跡類蹉跎節近清明客思多身似閒雲飄不去
聞紅聲裏渡齊河

濟上將歸孫少沂廣文以絕句贈行卽韻答之

丑

春好客將去驪歌唱未停君心隨驛柳惜別尙垂青
去矣復何道離樽且暫停從今東望處愁絕魯山青

蘭根草舍詩鈔

卷二

三

題董柯亭觀察滄州失城紀畧用子佩孝廉韻

甲

使君本是許張流

刺史沈公如潮

誓與將軍

城守德公成

滅賊酋底

事靡萌反西粵北來禍已及滄州

男兒殉義女從郎一例摧殘孰降殃從此芳名登

國史昭昭節烈與忠良

附郭河流接戰場屍骸都付水汪洋忠心死不離鄉土

底用招魂到處忙

張君德楸我河死家人覓尸不可得過數月始於原死處得之顏色如生

信史初成離亂中褒嘉華袞竟相同多君一管春秋筆

持論千年有至公

九月十五日安陵道上遙望連鎮一帶村墟兼懷

河流慘淡月黃昏官路無人斷屐痕燐火一星新鬼出
殘魂幾處故交存葬餘骸骨難為冢返盡逃亡漸有村
莫上長隄高處望一年前事不堪論

粵匪自成豐甲寅四月十日占據連

鎮今年正月十九日始行剽滅

答仲衡見贈韻

丙辰

寄跡明湖客朝朝臥看山心同白雲嬾夢比野鷗閒人
在畫圖裏詩成煙靄閒良朋知不厭吟榻幾回攀

步虬仙贈行韻

詎肯當筵賦永離煙霞癖似少年時貪看山水如評畫

蘭根草舍詩鈔

卷二

三

愛近神仙爲乞詩將老漸能叅後果瀕行多感盼來期
方平貯有麻姑酒

滄州城爲麻姑城滄酒亦名麻姑酒

合捧心香獻一卮

原作附

莫向燈前惜別離清泉還有出山時無多行李惟添
畫有限勾留祇選詩玩世已皆疑阮籍逢人且莫說
安期扁舟他日歸來候寄我滄江酒一卮

成婦吟

送別

十二軍書疾若飛郎行無計挽郎衣慰郎好作封侯想
不必匆匆寄夢歸

寄衣

緘罷征衣欲斷腸久無書至費商量題簽到底知何處
可是遼西是夜郎

接書

勝負沙場久未聞一函天外寄殷勤
忙忙報慈親道兒在邊關建異勳

喜歸

萬里生還事竟真玉門霜點鬢痕新
與郎笑語分明甚不似春閨夢裏人

步方壺仙史見贈元韻

蘭根草舍詩鈔

卷二

四

何期方外友今夕喜重臨
詩酒仙家趣風霜客子心
問年驚老大憶舊感人琴

舊日社中諸人俱下世

此後應長聚無須

夢裏尋

知有滄桑感燈花見淚痕
祇緣新社裏尚有故交存
鬢髮竟如此兵戈且莫論
相逢拚一醉先為整吟魂

嵇春原孝廉以詩贈行即韻奉答

為愛筆花居

筆花書院

紗籠壁尙虛感君熱腸客重我故人

書舊甕將開候春風欲到初相逢
重一笑定使老眉舒

楊盤鎮題壁

道光丙午曾借葉子佩表弟同宿於此忽忽

已十年矣回憶舊遊不勝人琴之感

驅車到此近黃昏把酒挑燈認墨痕
棖觸十年酬唱地

梅花香裏弔詩魂

載有盆梅二株

歲暮書懷

時寓盛筠軒家

素有求仙志蓬瀛未可尋
雲煙供客夢名利淡秋心
琢句常愁懶讐書每夜深
硯池成小別十載不曾臨

鄉居時作客家計素心違
出岫雲思返投林鳥倦飛
歌殘逢舊雨酒罷戀斜暉
定惹山妻笑歲闌人未歸

牛仲遠刺史新居落成卽席賦贈丁巳

湖邊小築不成村荒逕初開客到門
高士遷家無長物

蘭根草舍詩鈔

卷二

五

亂書堆架酒盈樽

匯波樓接晏公臺紅藕花香次第開
難得詩人巧安置

一齊收入鏡中來

早課廚娘午課書蘧然一枕入華胥
知君心迹清於水
妬煞閒鷗夢不如

栽花種竹更開田雨笠煙蓑小息肩
卻羨紅塵飛不到

桑麻雞犬總神仙

迎門煙柳漾絲絲嵐影溪光總繫思
祇恐閒雲關不住

乘風又到出山時

雨中悶坐因憶仲遠小小斜川風景佳
絕卽用春

原韻再成二律以贈仲遠

平臺臨水面天地此昂頭日落見歸鳥煙深出釣舟宦
情薄似酒詩味淡宜秋得伴幽人宅徜徉羨野鷗
巒影蒼茫裏荷香渺靄閒天教老詞客住此好湖山圖
畫供流覽煙波任往還歸途容易覓門對柳枝彎

題沈友竹觀察竹里館詩意小照

萬琅玕裏跣趺坐此老胸中常有詩

放翁句

欲把瑤琴彈

一曲夜深生恐月明知

同岑點點舊蒼苔竹里披襟亦快哉一片虛心對佳士
無人知是子猷來

蘭根草舍詩鈔

卷二

六

汪泉孫舍人以病中偶成見寄卽韻奉答

汪君本好客談笑皆天真與我一日別契闊如三春微
恙忽糾纏瘦骨添精神論古見卓識琢句能翻新近聞
得奇遇名花爲結鄰對蓮間妙諦

案上插蓮花數朵

落硯皆香

塵執卷欲問字愁君已謝賓

原作附

樂平

汪元慶 泉孫

爰矯正埃鬱獨靜養吾真睇月亦思飲讀詩如逢春

逍遙不知暑澹蕩足怡神畏熱鳥聲吝近秋蟲語新

幾忘身是客偶與花爲鄰

東鄰有妓

寂坐闌喧恬小齋無

俗塵閉門覺疲茶高臥謝來賓

荷花生日仲遠於大明湖上宴集同人各壽以詩
華筵偶爲洛如開千佛屏山護鏡臺我有瓣香誰得似
一蓮花贈一如來

一生豔福白雲鄉絲管聲中正曉妝願爾並頭終不老
年年春水護鴛鴦

閱盡炎涼夏復秋水鄉無處不溫柔可知多子尋常事
直捧心香到白頭

湖多白蓮

靜如處女味如禪管領人來別有天欲譜長生無可擬
詩名千古並青蓮

仲遠性豪放耽吟嗜酒時有青蓮之目

和泉孫無題元韻

蘭根直合詩鈔

卷二

七

沈郎腰細爲多情賦到香奩我亦驚人是一工愁纔善病
花能解語便傾城晨煎藥餌煙凝篆夜聽琵琶月有聲
莫望東牆倍惆悵仙山雲雨正新晴

汪菽民明府囑題借書乞酒圖

奇書滿架插嶙峋半借高僧半借鄰畢竟汪倫情不淺
尙餘此事可干人

臣心似水重傷廉乞酒從來不諱貪記得出山佳話在
醉鄉債已遍江南

烈婦吟

烈婦胡氏江蘇武進人年二十六爲浙江陳

司馬廷芳繼室不數月陳卒誓以身殉家人
環守百餘日卒仰藥死

胡氏媛司馬婦結禱未一載司馬云亡苦誰剖

解一

上堂

無尊章前室有佳兒蘋蘩既可託盍以身殉之

解二

歸骨

無計頻躊躇千山奔走庚癸呼葬資已具心力枯

解三

連

枝何蚴蟻比翼何翩翩相從地下心始安嗚呼赴義自

古從容難

解四

春原以寄仲衡詩索和卽韻奉酬兼懷仲衡

離情正自憶關河恰喜瑤章下薜蘿我有熱腸君更甚

一函秋思隴雲多

蘭根草舍詩鈔

卷二

六

檢點輕裝定早還西風涼雨萬重山玉關一樣青青柳

可對纖腰憶小蠻

瀕行前數月甫納姬

章師舟太守見余荷花生日詩感而和之蓋悼前

室陳夫人也夫人與荷花同日生謝世十五年

矣再用前韻解之

明湖花似鑑湖開

太守會稽人

誰使香魂去鏡臺白是前身

多佛骨西天早已伴如來

聞夫人生前好佛

癡心欲覓藕絲鄉彷彿瑤臺卸晚妝可奈花神太情薄

羨仙偏不羨鴛鴦

偶現曇花止到秋丰姿靜好態溫柔美人不許朱顏改

那管塵寰盼白頭

湖中白蓮最盛每將開皆爲人採盡

色相分明早悟禪
皈依多在有情天
洛妃到此還遊戲
試看波心步步蓮

和虬仙見贈韻

杖策幽巖快不禁
亂峯和月上衣襟
尋來白社情非淺
說到紅塵念最深
儻遇陶公還對酒
每逢鍾子便談琴
慚余風雅難爲侶
猶侍瑤壇託賞音

遙天何處寄相思
聊伴心香薦一卮
嘆我游仙終似夢
多君醫俗不惟詩
鸞驂大漠真堪羨
柯爛空山定幾時
竊喜瑤章頻索和
不辭拈斷數莖髭

蘭根草舍詩鈔

卷二

九

再和方壺仙史韻

跨鶴歸來袖拂雲
蓬萊一醉尙餘醺
吟懷還似當年好
詩比秋心瘦幾分

是誰出手便拏雲
話到滄桑已半醺
一曲霓裳一輪月
人閒天上要平分

八月二十三日自齊河泛舟七十里至禹城觸目

流亡感賦

浩渺真無際
秋風盪客魂
亂帆原上路
破屋水中村
豐歉關民命
憂勞仰

聖恩

東省連年被黃水者四十餘州
思發帑賑恤全活無算
嗷嗷猶未已
哀雁

不堪論

趙北口題壁

蟹舍漁莊地紅闌十二橋樹稀仍抱路水遠不生潮涼
雁夕聲急野鷗秋夢遙停鞭思覓句一任馬蕭蕭
澤國重重繞田家事事宜循牆瓜上屋帶葉葦編籬菱
藕連朝市魚蝦供晚炊妖氛曾未到仙境復何疑
西風蕭瑟甚景物似江鄉稻盡芽還長荷殘葉尙香照
波雲影嬾夾岸櫓聲忙投宿知何處應教客夢涼
我有田園樂其如歲歉何衝塵雙鬢老留壁小詩多無
意窺明鏡臨流歎逝波未逢燕趙士慷慨莫悲歌

蘭根草舍詩錄

卷二

三

寓京都天寧寺作

錦簇花圍地天寧寺久傳華筵名士酒香草美人天裘
敝山應笑詩工佛不憐老僧重豪客一一費周旋
高下樓臺迴參差竹樹遙連雲森寶塔接屋駕虹橋客
醉尊仍滿歌殘珮尙搖祇愁諸法相觀此亦魂銷

書山陰傅雨菴遺詩後

久夫生人趣君真具鬼才硯穿嗟歲惡筆禿臘花開琢
句心原苦依人數未該余代謀棲止十餘年不可得從今飽臣朔仙
侶待蓬萊

詩好窮難洗人窮何益工琴中含殺氣筆底走陰風仙

骨何須換君身竟此終多應玉樓召誰與問蒼穹
白社交原寡黃爐事未諧乾坤窮措大生死費安排罵
世情非淺談元理亦乖九原文字鬼相見定頭埋
才大招天忌途窮命亦孤妻孥悲早逝庚癸病難呼性
僻無知已交疏轉愧吾遺編付剞劂可達九泉無

重題二十八歲松下聽泉小照

時年五十九 戊午

開卷如相識流光又卅年我猶忙裏客君尙靜中禪色
相憑誰證鬢眉祇自憐可堪思往事把筆一纏綿

攬鏡朱顏改禪心老漸忘殘縑留骨相小劫歷滄桑

癸丑

九月粵匪過滄城陷松影依然好泉聲爲底忙餘年肯拋擲恐負

蘭根草舍詩鈔

卷二

三

鬢毛蒼

送揚州符南樵孝廉歸里

爲返揚州客暫停詩如七十二泉清匆匆便捉吟鞍去
雲樹蒼茫兩地情

莫嘆珂鄉玉石焚歸山重問故山雲定知松菊仍無恙
瘦損當年月二分

無計離亭挽去鞭得留鴻爪亦欣然

爲余題松下聽泉圖

濟南自

古多名士李杜何嘗非寓賢

未得朝朝共唱酬負君歷下小勾留祇愁一片明湖水

再照離人便白頭

一病溘然逝翻疑夢未眞無家歸白骨薄宦墮紅塵智
慧偏消福聰明慣誤人今應玉樓召仙籍定超倫

骨肉悲星散各羈天一涯

兩弟一在故鄉一客
莒州妻妾俱留津門

無兒堪

紹業有妹待宜家

君女弟久許字常州
徐氏壻尚游豫未歸

彈鋏計良得求

官念亦差最難歸葬事南望倍興嗟

壯游非得已健筆氣縱橫書畫足千古雕蟲誤一生餘
情到裙屐雅望博公卿自古皆有死如君幾著名

與子同爲客論交金石堅回頭纔幾日撒手竟重泉天
道愁難問萍蹤愧有緣九原應憶我昨夢得瑤箋

蘭根草舍詩鈔

卷二

三

題吳慕渠明府松泉小影

圖作僧
伽像

一卷金經伴客吟寄情世外倍情深卻非故作超塵想
自古詩人有佛心

寄託何妨畫裏禪臨民不礙宰官賢但期老幼皆安枕
一串牟尼箇箇圓

徑仄剛容孤鶴立峯高恰被懶雲封清飈吹下古松影
疑是深山起蟄龍

石崖懸瀑儼如畫泉水出山終是清莫使盡歸瀛海去
半爲霖雨霈蒼生

苔岑舊契十三年宦海分途各一天他日功成憶林下

披圖與我證心禪余亦有僧像小影

夏日書悶

壯年悲已去結習未全忘劍老得奇氣書殘愛古香懷
人千里夢憐世九迴腸何日兵戈息桑麻易戰場

和作附

天津 牛翰鈔 仲遠

閒居真自得物我兩相忘水淨鷗爭浴林幽草亦香
樗材餘傲骨茗椀潤枯腸所念惟桑梓胡然荆棘場

清苑 李鈞和 仲衡

與君以詩合佳句最難忘東國十年友南豐一瓣香
憐人多熱淚愛我有柔腸世事莫須問優游翰墨場

蘭根草舍詩鈔

卷二

三

歸思

歸與何日賦鄉思逐愁生蔬食具真味窮交見至情眠
多歧夢路吟減愛詩名安得拋塵網空山採藥行

詠影

偶從身外復尋身凡骨全無讓爾尊效我醉容如酒友
佐人吟興似詩魂冰霜盡歷跡逾顯患難相依交可敦
欲使塵埃終不染日高猶自臥蓬門

再用仲衡詠影韻

一經回顧一番新看到忘形趣最真愛爾周旋常伴我
憐君行止總由人知非幻境終疑幻踏遍塵寰不染塵

蹤跡欲教留世上還宜珍重百年身

次吳翼卿詠影韻卽贈

色相何須夢裏尋相逢邂逅便相親臨流自愧鬢眉老
攬鏡誰知肝膽眞伴我渾如方外友除卿難得意中人
本來明月前身是照出君身卽後身

仲春返里戲以詠影贈內

一生未解嘆離羣色相無端夢裏分燈下忽來疑是客
梅邊小立恰逢君驚霜鬢髮常留鏡照水衣裳不似雲
此後定教無別恨朝朝相對到斜曛

代內答

蘭根草舍詩鈔

卷二

十四

形影原難片刻分無須惆悵感離羣終身附託慚爲侶
與世周旋仗有君好伴萍蹤尋舊夢莫隨浪跡逐朝雲
畫圖留向光明地趁此當頭日未曛

附同人詠影之作

甘泉 汪南金 蘭甫

大地山河孰假真是空是色與傳神愛邀桃李園中
月羞逐芙蓉鏡裏人半世行藏留幻相十年飄瞥得
閒身浮生悟澈如如旨便畫凌煙也客塵

歙縣 鮑瑞駿 桐舟

行藏何處不傳神一樣模糊總逼真對面無言應自
笑繪聲到汝更誰人照來明鏡仍陳迹幻似空花也

色身太白成三坡散百可知水月亦前因

蘭儀
王之牧 民瞻

慘淡孤檠地欲殘步虛人至對憑欄君眞仙骨超塵
易誰識吟魂貼地寒伴我情同前日好呼卿磨向此
時難縱教衣袂分明在也似模糊夢裏看

愛爾前身有夙根行蹤到處尙遺痕神凝秋水情非
淺人隔寒燈體不溫鏡破仍教留幻相月殘誰與返
離魂茫茫大地終難覓白日重來要細論

月夜遊湖和春原韻

放浪形骸外乾坤俯仰間花香都在水樹密不遮山明

蘭根草舍詩鈔

卷二

壹

月留人住白雲如我閒清遊君不負載得好詩還

原作附

無錫
嵇文駿 春原

夜色微茫裏湖光香靄間淡分煙外樹遠露月中山
鷗夢幾時醒漁歌何處閒白蓮花萬柄載得冷香還

荷花生日仲遠招集同人爲壽

伊人家住水雲鄉玉鏡分明對曉妝身傍瑤臺含雨氣
花開蓮社帶詩香交同君子心原淡現出如來壽更長
欲祝西天近西子朝朝合手禮空王

和王子梅七夕客中有感

朱逢佳節已蹉跎把酒挑燈感若何客子光陰鬢鬢老

仙家眷屬別離多情牽疎雨愁無跡夢壓涼雲淡欲波
莫嘆盈盈隔秋水人間無處不銀河

三友談詩圖爲冬伯題

把酒三人快論詩夜深祇許月明知姮娥亦有聽詩興
行到當頭故故遲

聞疆粵嶠正談兵盼盡鏡歌百感生莫道儒生忘武畧
祇將五字抵長城

天津沈雲巢廉訪見余所輯滄州詩鈔中有先兄
一樵之詩感賦七絕一首見示卽韻奉酬并述

近况

蘭根草舍詩鈔

卷二

三

論交生死總如新詩酒流連迹已陳想對遺編倍悵觸
一尊先弔故鄉人

思歸翻惹淚痕新屢把前徽筆札陳可嘆諸兒少成器
興宗或恐竟無人

兄有四子長鍾年久困場
屋次鍾癸今科始中副車

原作附

天津

沈兆澐 雲巢

遺詩展卷尙如新嘆息墳前宿草陳曾記河梁贈君
句朗吟樓畔遇詩人

雲與一樵久別憶道光庚子
復晤於滄州河畔嗣未再晤

灞橋送別圖爲王煦甫孝廉題

回首長安十里程沿隄草色尙青青平生舊雨難爲別

唱到陽關不忍聽

別緒纏絲柳萬條鞭絲帽影雨蕭蕭劇憐一片清冷水
直送離聲過灞橋

泉孫舍人自都中以寄懷嵇春原牛仲遠李仲衡

以及均四詩索和卽韻依次奉答

近訪嵇中散空懸壁上琴品高疑佛骨詩好雜仙心氣
比河聲壯情同海樣深君行少知己寂寞廢長吟

斜川風調好高曠總堪傳訪舊頻移步耽吟一聳肩詞
鹽真健將宦海小游仙快讀君投句情深亦惘然

仙李原詞客吹簫有紫雲梅花稱眷屬香火伴夫君社
散仍哦句筵開待解紛紅牙歌未歇惆悵藕絲裙

蘭根草舍詩鈔

卷二

三

自嘆維摩老懷人獨挂頤不愁成小別再見果何時漂
泊家無定艱難遇更奇自咸豐乙卯江西之變太夫人攜全家寄寓濟南多君
情勝我相憶尙裁詩

題蔣省庵明府三生證石圖

北馬南船未肯休一航宦海尙沈浮回頭記得前身影
石不能言暗點頭

大江南北正論兵一串牟尼數不清賴有生公石一片
化爲霖雨沛蒼生

題蓬萊家伯陽太守松江去思圖遺冊

海氣搏妖褪倉皇夜論兵嘔心忘白髮誓死爲蒼生據

冠人何在休官我獨行劇憐諸父老相送涕縱橫

同榜今無幾交深感眷令君與先兄一樵同出言懷心

共赤相賞眼同青白社驚全散黃墟喚豈醒披圖思往

事老淚點星星

陳弼夫都轉重葺也可園題贈

勝地無今昔全憑造化工花多宜富貴石瘦益玲瓏煮

茗來新雨披書見古風庇寒非廣厦心與萬閒同

結構無妨小重開氣象新亭臺三面月花木四時春水

淺魚爭戲林幽鳥自馴感君與同樂我是葛天民

李肇珊貳尹以哲兄鄆源太守臨蘇長公墨冊屬

蘭根直舍詩鈔

卷二

天

題走筆應之

妙得坡公法羣推李謫仙燈前見揮灑筆底走雲煙政

績昭昭著書名卓卓傳阿連今什襲權當眷令篇

途中口占

己未

底事匆匆又著鞭關心七十二名泉車聲陡喚夢初醒

九點齊煙到眼前

病中和春原感懷韻

客裏光陰徒自苦病中情緒與君同雞鳴怕對將殘月

窗裂難禁過隙風夢入愁城書有力醫如敗將藥無功

竹林更有傷離感欲報家書淚眼紅聞三姪鍾譽於正月十二日下世

小小斜川開白並蒂蓮一枝牛仲遠刺史繪圖徵
詩題以二絕

會分鸞鏡幾經年白藕花開尙並肩可是靈妃小遊戲
教君思致頓纏綿

連理欣看荆樹好並頭徒引藕絲長丹青賴有生花筆
留住秋風一瓣香

春原招同人賞花出詩屬和卽韻奉酬

轉瞬春風又一年妖氛幾處息烽煙花開白社招吟侶
人在紅塵亦散仙半局殘碁休注目

君酷愛
彈碁

三杯濁酒

且安眠羨君卅載明湖住清福眞能享洞天

蘭根草舍詩鈔

卷二

完

贈仲衡用春原招同人賞花韻

居近明湖又二年門垂五柳暗生煙雙柑時聽枝頭鳥
一枕常遊夢裏仙紅豆詞成教鶴舞白描畫好繼龍眠
山林城市君兼得消受人閒自在天

和春原春日登臺韻

知己相逢笑舉杯乘風便欲上層臺祇疑仙境人閒有
卻喜詩情天外來海嶽差堪供嘯傲珠璣眞箇絕塵埃
登高履險無拘束此老胸襟合壯哉

卽韻再和仲衡

圖籍堆牀酒滿杯頭銜恰合署蘭臺敲門良友有時至

開卷古人無數來
茶熟煙猶留寶篆
詩成字不著纖矣
如君當代眞詞客
皮陸蘇黃安在哉

苦旱

旱久雲無力
風狂木葉焦
嫩花團作雨
織壙湧如潮
欲涸井中水
如焚心上苗
甘霖欣有望
晚照未曾燒

卽韻和春原感事之作

蕭蕭華髮不勝簪
垂老猶懷濟世心
抱節眞同修竹老
惜春情比落花深
頻聞戰伐增新壘
更望雲山憶故林
賸有閒愁消不得
一回搔首一長吟

朱二泉巉尹改官山右賦楊花四絕留別卽韻贈

商根直合詩鈔

卷二

三

行鈔

搖曳東風嬾自持
花飛猶自戀疎枝
干卿何事鍾情甚
慣向人閒綰別離

青雲得得御風行
超出紅塵萬念輕
惆悵江干數聲笛
和煙和月不勝情

二泉將赴晉陽出待濟圖索題卽贈

匣劍囊琴煥寶裝
憑將心地作慈航
可知宦海風波險
帆挂帆收自主張

濟水身同濟世身
茫茫前路總迷津
君登彼岸須回首

更有無窮待濟人

明湖居小坐卽事偶成

鵲華橋畔立移時
物理閒推靜自知
蝶惜花殘沾冷露
鳥嫌風急避高枝
一枰偶闕關成敗
萬事無憑漫信疑
賴有襟懷清似水
還將七十二泉期

詩草刻成自題二律

枉拋心力恣吟哦
少日浮湛奈老何
偶與我逢書太少
近十餘年以病
目不能觀書
不經人道語
無多品宜雅
正歸宗派句

欠空靈貴琢磨未可言
詩聊記事等閒三十二年過

編是

起於道光丁亥九月
迄於咸豐己未五月

生憎揄拾喜翻新
鼠腊安期世共珍
往事回頭皆故實

蘭根草舍詩鈔

卷二

三

閒雲過眼亦前因
緣知我淺愁難遣
淚替人流夢也眞
自笑自憐還自勵
吟髭拈斷數莖銀

跋

王君侶樵吾滄之逸士實吾滄之詩人也其志高故其詩品潔其情淡故其詩味真其爲人也逍遙世外有閒雲野鶴之致故所吟詠皆純乎天籟不假人工詩以言志亦以道情若侶樵者可爲能詩矣乃兄一樵价卿兩孝廉夙昔與珥交好有年於侶樵之學問志向每稱道之不亟亟於功名早年輒棄舉業獨於韻語一途疊疊不倦數十年前固知其能詩也壬辰珥通籍後供職農

曹而侶樵客遊山左相距益遠雖與崔曉林崔時林張南橋陳蓮浦葉子佩諸詩人於都門把晤時均樂稱侶

蘭根草舍詩鈔

跋

一

樵詩吉光片羽亦每每雒誦之因益知其能詩而究未獲觀全璧焉迨丙午出守三衢迄壬子復簡任西涼遙望滄溟尤不勝天涯地角之感彌惓惓於侶樵詩緣之慳也丁巳歲杪卓薦赴都中途引疾旋里而侶樵來自歷下亦有倦遊之意以所刊滄州國朝詩鈔竝補鈔續鈔明詩鈔相遺廣搜鄉先輩之逸詩哀輯成集其志旣勤其情良苦甚矣侶樵殆真詩中人哉非真能言詩者不能成此志非真能知詩者亦不能發此情也噫侶樵之詩可傳而吾滄之逸詩藉以不朽吾滄之逸詩不朽而侶樵之詩乃彌可傳矣茲偶抱微疴吟呻臥室

而侶樵適來攜其蘭根草舍詩藁見示昔見一斑今方
得窺全豹夫乃景然於侶樵之詩之志高而品潔情淡
而味真徵諸全集而益信璠非真能言詩者亦非真能
知詩者乃勉綴數語以跋於後抑亦不負詩人之意云
爾咸豐己未秋九月念七日同郡弟劉仲璠耘藍氏拜
識

蘭根草舍詩鈔

跋

二



6
4
4